

INUIT ATAQATIGIIT KATTUFFIAT



MALITTARISASSAT

§ 1

Kattuffik siunertaalu

Kattuffik ateqarpoq INUIT ATAQATIGIIT, naalisarlugu IA (kingornatigut taasarlugu kattuffik), Kalaallit Nunaanni angerlarsimaffeqartoq.

INUIT ATAQATIGIIT tassaavoq immikkoortortaqarfiit aaqqissuussaanikkut ataqatigeeqarfinnik taajuteqartut nuna tamakkerlugu aaqqissuunneqarfiat.

Imm.2. INUIT ATAQATIGIIT siunertaraat Kalaallit Nunaata aningaasaqarnikkut aamma nunat tamat akornanni inuaat inatsisaat naapertorlugit namminersulivinnissaa. Nunatta naalakkersuinikkut aningaasaqarnikkullu ineriartornera inuttut, inooqatigiissutsikkut avatangiisinullu tunngasutigut piujuarsinnaassuseqartumik ingerlanneqassaaq, kalaallillu kulturerput aallaavigissallugu. Inuaqatigiit inuaqatigiinnilu sullissiviit tamat oqartussaaqataaneranni tunngaviit pingaartitallu tunngavigalugit piorsarneqassapput, inuit pisinnaatitaaffii tamani atuuttut ataqqillugit.

Qularnaarneqassaaq naleqartut inuaqatigiinni pilersinneqartut, inuaqatigiinnut tamanut iluaqutaanissaat. Ataqqeitatigiinneq, naligiissuseq, assigiissuseq inooqatigiissutsikkullu nammaqatigiinneq partiip politikkikkut suliaanut tunngaviupput.

Imm.3. INUIT ATAQATIGIIT naalakkersuinikkut isumaasa tunngavii anguniagaallu tunngaviusumik pingaartitat siunertallu pillugit aalajangersakkani immikkut allaaserineqarput.

Imm.4. INUIT ATAQATIGIIT Nunani Avannarlerni partiit qorsuit saamerliit suleqatigiiffiannut The Nordic Green Left Alliancemut (NGLA) ilaasortaavoq aammalu nunat tamalaat akornanni eqqisseqatigiinnissaq kiffaanngissuserlu anguniarlugu suliniuteqartunut tapersersuisuulluni.

§ 2

Ilaasortanngorsinnaaneq

Inuk kinaluunniit Inuit Ataqatigiit siunertaannut isumaqataasoq suleqataarusuttorlu ilaasortanngorsinnaavoq.

Imm.2. Tapersersuisoq anguniakkanullu suleqataarusuttoq ilaasortanngorsinnaavoq kommunerisami Inuit Ataqatigiit immikkoortortaqarfiat aqqutigalugu.

Imm.3. Ilaasortat immikkoortortaqarfimmut ilaasortaanermut akiliuteqartassapput. Ilaasortaanermut akiliut immikkoortortaqarfiiit ukiumoortumik ataatsimeersuarnerminni aalajangersartassavaat.

Imm.4. Inuit Ataqatigiit qiningaattut suleqataalernermi kommunemut allamut nuuttariaqalertoqarsimappat immikkoortortaqarfik ilaasortaaffigisaq ilaasortaaffigineqaannarsinnaavoq.

Imm.5. Partiimi allami naalakkersuinikkut suleqataagaanni imaluunniit qinersinerni Inuit Ataqatigiit qinigassangortitaasa avataani qinigassangortikkaanni Inuit Ataqatigiinni ilaasortaaneq ingerlaannartumik atorunnaassaaq.

Imm.6. Nuna allami najugaqaraanni immikkoortortaqarfimmut nammineq toqqakkamut ilaasortaasoqarsinnaavoq. Nunami allami najugaqartoq immikkoortortaqarfimmut aalajangersimasumut ilaasortaaniarani aalajangeruni Kattuffimmut ilaasortaanermut akiliuteqartassaaq.

§ 3

Ilaasortaaneq

pisinnaatitaaffiit pisussaaffiillu

Inuit Ataqatigiinnut ilaasortat sulissutigissavaat Inuit Ataqatigiit siunertaasa anguniagaasalu siammaannissaat, naalakkersuinikkut aalajangersaasarerni suliniutitigullu sunniuteqarniarkkut peqataanikkullu.

Imm.2. Tapersersuisutut ilaasortangortoqarsinnaavoq najugarisami Inuit Ataqatigiit immikkoortortaqarfiat aqqutigalugu. Tapersersuisoq ataatsimiinnerni oqalussinnaatitaavoq taaseqataasinnaananili.

Imm.3. Ilaasortaq kinaluunniit ilaasortaanermut akiliisartoq pisinnaatitaaffeqarpoq immikkoortortaqarfiiup siulersuisisa akuerisaannik tamat oqartussaaqataanerat tunngavigalugu aalajangiisartunut tamanut

qineeqquaarnissamut kiisalu Kattuffiup siulersuisuisa akuerisaanik naalakkersuinikkut qiningaaffinnut, Nunaqarfinni aqutsisunut, kommunalbestyrelsenut, Inatsisartunut aammalu Folketingimut qineeqquaarnissamut.

Imm.4. Ilaasortaanermut akiliut qaammatit pingasut sinnerlugit akilerneqarsimannngippat, Kattuffiup iluani pisinnaatitaaffinnut aammalu tamat oqartussaaqataanerat tunngavingalugu aalajangiisartunut tamanut Inuit Ataqatigiit sinnerlugit qiningassanngortissinnaaneq atorunnaassapput. Pisinnaatitaaffiit atuutileqqissaput akiligassaq tamakkiisumik akilerneqarpat.

Imm.5. Inuit Ataqatigiit immikkoortortaqarfia siulersuisuunernut qinnuteqarneratigut, Siulersuisuunerit Inuit Ataqatigiit sinnerlugit qineeqquaarnissamut peqataasinnaatitaanermik aajangangiissapput §3 imm. 4 naapertorlugu naalakkersuinikkut qinersinernut qinigassanngortinniartoq qaammatini kingullerni pingasuni ilaasortaanermut akiliisimannngippat.

Imm.6. Ilaasortaq Inuit Ataqatigiit pingaaruteqartutigut siunertaannik malittarisassaanniillu unioqqutitsisoq immikkoortortaqarfimmit ilaasortaajunnaarsinnejqarsinnaavoq immikkoortortaqarfiup siulersuisuni ilaasortat 2/3-iisa tamanna inassutigippassuk. Ilaasortaajunnaarsitsinissamik inassutit tamarmik kattuffiup siulersuisuunerinut aalajangigassanngortinneqartassapput.

Imm.7. Ilaasortaq qinikkatut pisussaaffilik kattuffiup tunngaviusumik siunnerfiinut malittarisassaanullu ataqqinnissaaq. Qinikkatut pisussaaffiusut naammaginartumik naammassinnejqanngippata siulersuisuunerit 2/3-iisa aalajangiineratigut ilaasortaajunnaarsitsisinnaapput.

§ 4

Immikkoortortaqarfiiit

Sumiluunniit najugaqarfinni Inuit Ataqatigiit siunertaannik anguniagaannillu tapersersuisut immikkoortortaqarfimmik pilersitsinnaapput. Imm. 2. Immikkoortortaqarfiiit pisussaaffigaat Inuit Ataqatigiit naalakkersuinikkut siunertaasa anguniagaasalu siammerneqarnissaannut suleqataassallutik.

Imm.3. Immikkoortortaqarfiiit Inuit Ataqatigiit Kattuffiata siunertaanut naleqqussakkanik malittarisassaqassapput, minnerpaamillu ukiut tamaasa ataatsimeersuartassallutik namminnerlu suleriusissartik aalajangersartassavaat. Ataatsimeersuarnerup imaqarniliornera, malittarisassat naatsorsuutillu allakkatigut kattuffimmut nassiunnejqartassapput.

Imm.4. Kattuffiup inuuusuttai Inuuusuttut Ataqatigiit nuna tamakkerlugu ataatsimeersuarnermi akuerineqartunik namminerisaminnik malittarisassaqarput siulersuisuunernilu marlunnik ilaasortaatitaqarlutik.

Inuuusuttut Ataqatigiit malittarisassaat kattuffiup tunngaviusumik siunertaanut malittarisassaanullu naapertuuttuussapput.

Imm.5. Inuit Ataqatigiit tunuliaqutaralugit qinikkatut inissisimaffeqartut tamarmik najugarisaminni kommuunerisaminnulluunnit immikkoortortaqaarfimmut attaveqartuarnissamut suleqataanissamullu pisussaaffeqarput.

Imm.6 Immikkoortortaqaarfiit imminnut qanitariit kattunneqarsinnaapput imaluunniit nunap immikkoortuini suleqatigiinnertik piorsarlugu suleqatigiiffeqarsinnaallutik.

Imm.7. Immikkoortortaqaarfiit Kattuffimmut ukiumoortumik akiliuteqartassapput. Akiliutip annertussusia nuna tamakkerlugu ataatsimeersuarnermi aalajangersarneqartassaaq.

Imm.8. Immikkoortortaqaarfik immikkut ittumik ataatsimeersuariaqqusisinnaavoq immikkoortortaqaarfiup siulersuisusa imaluunniit ilaasortat amerlanerussuteqartut tamanna piumasarippassuk.

Imm.9. Immikkoortortaqaarfik atorunnaarsinneqarsinnaavoq ataatsimeersuarnermi taaseqataasinnaasut 2/3-iisa aalajangiuppassuk. Immikkoortortaqaarfiup aningaasaatai pigisaalu nalillit nuna tamakkerlugu kattuffimmut pigisassangortinneqassapput. Atorunnaarsitsineq kattuffiup allaffianut allakkatigut nalunaarutigineqassaaq.

§ 5

Kattuffik, Siulersuisuunerit aamma Ulluinnarni Aqutsisut

INUIT ATAQATIGIIT tassaavoq partiip immikkoortortaqaarfiisa nuna tamakkerlugu naalakkersuinikkut pissutsit pillugit aaqqissuunneqarfiat. Kattuffik ukiut pingasukkuutaarlugit nuna tamakkerlugu ataatsimeersuartarpoq.

Imm.2. Nuna tamakkerlugu ataatsimeersuarnermi siulersuisuunertut qinerneqartut tassaapput ataatsimeersuarnermi aalajangersaunerit oqartussaassuseqarnerpaaffiusut tunngavingalugit tullullitik oqartussaassuseqarnerpaasut. Siulersuisuunerit akisussaaffigaat ataatsimeersuarnermi aalajangiunneqartut piviusunngortinnissaannut aammalu politikkikkut aaqqissuussaanikkullu immikkoortortaqaarfiit qaninut suleqatigalugit ineriartortitsinissamut. Siulersuisuunerit kattuffiup allattoqarfiata aningaasaqarnikkut ingerlanneqarnera akisussaaffigaat.

Imm.3. Siulersuisuunerit ulluinnarni suleriaasissartik nammineq aalajangersartassavaat, tamannalu pisassaaq nuna tamakkerlugu ataatsimeersuarnerup kingorna siulersuisuunerit inissitsiterlutik ataatsimeeqqaareranni, taamatuttaaq kattuffiup sulinerani ingerlanneqarneranilu suliniutissatut pilersaarutit aalajangersarneqassallutik.

Siulersuisuunerit sammisanut aalajangersimasunut suleqatigiissitanik suligasuartussanik pilersitsisinnaapput.

Imm. 4. Siulersuisuunerit ataatsimiittarnerini, Naalakkersuisunut ilaasortaatitat, Inatsisartunut Folketingimullu ilaasortaatitat, kommunalbestyrelsinut aamma nunaqarfiit siulersuisuinut ilaasortaatitat kiisalu borgmesteriutitat Siulersuisuunerni ilaasortaanngitsut peqataasut oqaaseqarsinnaatitaapput taasisinnaatitaanatilli.

Imm.5. Siulersuisuunerit ataatsimiinneranni politikkikkut sulianik paasissutissiinissamik saqqummeeqquullugit peqquneqarsinnaapput partiimi Naalakkersuisunut ilaasortat, Inatsisartut gruppiata siulittaasua, partiip borgmesteriutitai, kommunalbestyrelsemi gruppini siulittaasoq aamma Folketingimi ilaasortaq.

Imm.6. Siulersuisuunerit ataatsimiittassapput Ulluinnarni Aqutsisut piumarisagaagassuk, ikinnerpaamik ukiumut pingasoriarlutik. Siulersuisuunerit ukiumut ataatsiarlutik kiinarsillutik naapittassapput, ataatsimiinnerillu taassuma saniatigut ingerlanneqartut isiginnaarutikkut ingerlanneqassapput. Ataatsimiinnerni aalajangiunneqartut allattaavimmut allanneqartassapput immikkoortortaqarfinnullu ilisimatitsissutit nassiunneqartassallutik kingusinnerpaamik sapaatip akunnera ataaseq qaangiutsinnagu.

Imm.7. Ulluinnarni Aqutsisut ukuninnga ilaasortaqassapput: Siulittaasoq, siulittaasup tullia naalakkersuinikkut pissutsinut akisussaasoq, siulittaasup tullia ataqtigiissaarisoq, aningaaserisoq kiisalu siulersuisuunerniit ataaseq Ulluinnarni Aqutsisunut ilaasortaasussaq ataatsimeersuarnermi qinerneqartoq.

Imm.8. Ulluinnarni Aqutsisut ulluinnarni suleriaasertik nammineq aalajangersartassavaat.

Imm.9. Ulluinnarni Aqutsisut kattuffiup aningaasaataasa pigisaasalu nalillit isumannaatsumik aqunneqarnissaat akisussaaffigaat, kiisalu kattuffiup ataatsimut sulinera immikkoortortaqarfiiillu sulinerat nakkutigisassaralugu.

§ 6

Kattuffiup allaffeqarfia

Kattuffiup allaffeqarfia suliassaqarfinni tamani ataqtigiissaariffiusumik quillersaqarfittut allattoqarfivoq. Siulersuisuunerit Kattuffiup ingerlanneqarneranut akisussaasuupput. Siulersuisuunerit Kattuffimmi allattaanernertut atorfeqartussamik atorfinititsissapput.

Imm.2. Kattuffimmi allattaanerup allattoqarfimmi ulluinnarni suliassat aqutsinerlu akisussaaffigai naalakkersuinikkullu kattuffiup anguniangaasa anguneqarnisaanut suleqataallunilu qulakkeerinneqataassaaq. Kattuffiup

allattaanera siulittaasumut sullisissaaq, ulluinnarnilu aqutsisut suleqatigalugit allattoqarfimmi sulisunik atorfinititsisartuuvoq.

Imm.3. Allattoqarfiup qassnik sulisoqarnissaq Siulersuisuunerit aalajangersassavaat.

Imm. 4. Kattuffiup allattaanera siulersuisuunernut ukiumut aningaasaqarnikkut naatsorsuutissatut missingiummik suliaqartassaaq, missingiullu naapertorlugu siulersuisuunerit anguniangaasa piviusunngortinnejarnissaannut ukiumoortunik pilersaarummik saqqummiussisassalluni. Kattuffiup allattaanera ukiumut marloriarluni aningaasaqarnikkut ingerlatsineq pillugu siulersuisuunernut nalunaarusiortassaaq, tamatumunnga ilaatinnejartassallutik aningaasaqarnikkut naatsorsuutaagallartut oqaaseqaataallu. Ukiumoortumik naatsorsuutit siulersuisuunernut saqqummiunnejartassapput taakkunanngalu akuersissutigineqartassallutik.

Imm. 5. Aningaasaqarnermut atatillugu upternarsaasutut atsiorsinnaatitaapput siulittaasoq aamma Kattuffiup allattaanera. Siulittaasoq pisinnaanngippat siulittaasup tullia naalakkersuinikkut pissutsinut akisussaasoq aamma aningaaserisoq aningaasaqarnermut atatillugu upternarsaasutut kattuffiup allattaanera suleqatigalugu atsiorsinnaapput. Kattuffiup allattaanera pisinnaanngippat siulittaasoq aningaaserisoq suleqatigalugu aningaasaqarnermut atatillugu upternarsaasutut atsiorsinnaatitaapput.

§ 7

Kattuffiup aningaasalersorneqarnera

Kattuffiup naatsorsuutaasa ukioq ilivitsoq malissavaat. Ukiup siulianut naatsorsuutit suliarineqarlutillu naammassineqartassapput kingusinnerpaamik junip 30-ni, kukkunersiorneqartassallutillu naalagaaffiup kukkunersiuisartutut akuerisimasaanit.

Imm.2. Immikkoortortaqarfiit kattuffimmut ilaasortaanerminnut nuna tamakkerlugu ataatsimeersuarnermi aalajangiunnejartoq tunngavigalugu inuttussuseq (sumiiffimmi innuttaasut amerlassusaat) tunngavigalugu akiliuteqartassapput, imalu juulip 21-ni 2024-meersumik ukiumut akiliuteqartassasut aalajangiunnejarpooq:

INUTTUSSUSEQ	AKILIUTISSAQ KR.
0 – 300	200,00
301 – 1.000	750,00

1.001 – 2.000	1.000,00
2.001 – 4.000	2.000,00
4.001 – 10.000	2.500,00
10.001 – 15.000	3.500,00
15.001 >	4.500,00

Imm.3. Kattuffimmi qinikkat qiningaaffiup aallartinnerani partiskattimut allattoqarfik suleqatigalugu akiliuteqartarnissamut isumaqatigiissuteqassapput. Qinikkat partiskattimut qaammammut akiliuteqartinneqassasut ataatsimeersuarnermi julip 21-ni 2024 ima aalajangiunneqarpoq:

QINIKKAT	AKILIUTTISSAQ KR.
Naalakkersuisunut ilaasortaq	2000.00
Inatsisartunut ilaasortaq	1000.00
Borgmesterit	2000.00
Kommunalbestyrelsemi ilaasortaq	200.00
Kommunalbestyrelsemi ataatsimiitaliami siulittaasoq	400.00
Nunaqarfinni aqutsinut ilaasortaq	50.00
Folketingimi ilaasortaq	2000.00

Imm.4. Siulersuisuunerit ataatsimiinnermut peqataanermikkut ataatsimiinnermut ataatsimut aalajangersimasumik ataatsimiinnermusiaqartinneqartassapput. Ataatsimiinnermusiat aningaasarsianit b-nik akileraaruteqarnikkut tunniunneqassapput allattoqarfimmillu Akileraaruseriffimmut nalunaarutigineqassallutik. Ataatsimiinnermusiat annertussusaat ataatsimeersuarnermi julip 21-ni 2024 ima aalajangerneqarpoq:

	KR-inngorlugit
Siulersuisuunernut ilaasortaq	1500.00

§8

Nuna tamakkerlugu ataatsimeersuarneq

Nuna tamakkerlugu ataatsimeersuarneq tassaavoq Inuit Ataqatigiit naalakkersuinikkut sulineranni tunngaviusumik siunissamilu anguniagassat suliniutissallu pillugit aalajangersaanermi oqartussaassuseqarnerpaaq, siulersuisuunernillu qinersiffiusartoq. Ataatsimeersuarneq ammasumik ingerlanneqassaaq atortorissaarutitigullu malinnaaffigineqarsinnaasassalluni.

Imm.2. Immikkut ittumik nuna tamakkerlugu ataatsimeersuartoqarsinnaavoq immikkut ittunik pingaaruteqartunik oqaluuserisassaqartillugu, tamannalu pisinnaavoq siulersuisuunerit imaluunniit immikkoortortaqarfiit amerlanerussuteqartut piumasarippassuk.

Imm.3. Siulersuisuunerit oqaluuserisassanik matoqqasumik suiliariaqartitsinissamut alajangiisinnaatitaapput. Taamaattoqartillugu siulersuisuunerit allattaanerlu kisimik ataatsimiinnermi najuuttassapput.

Imm.4 Ataatsimeersuarneq ukiut pingasukkuutaarlugit ingerlanneqartarpooq nalinginnaasumik ataatsimeersuarneq kingulleq aallaavigalugu, taamaalliluni nalinginnaasumik ataatsimeersuarnerup kingorna ukiut pingajussaanni pisassalluni, aamma akornanni immikkut ittumik ataatsimeersuartoqarsimagaluarpat. Ataatsimeersuarnermi aalajangersimasumik qulequtaqarluni ataatsimeersuarneq aalajangiiffiusinnaavoq, tamanna pisinnaavoq immikkoortortaqarfiit siulersuisuunerninnillu siunnnersuuteqartoqarneratigut.

Imm.5. Ataatsimeersuarneq immikkorluinnaq pisoqartillugu katersuulluni ingerlanneqarsinnaanngippat siulersuisuunerit aalajangersinnaapput ataatsimeersuarneq attaveqaatit suulluunniit atorlugit ingerlanneqassasoq.

Imm.6. Katersuulluni ataatsimeersuarneq ingerlanneqarsinnaanngippat ataatsimeersuarnermi attaveqaatit atorlugit aallartianik taasisinnaatitaasunik siulersuisuunerit innersuussuteqassapput.

Imm.7. Taaseqataasinnaasutut aallartitaq ataatsimeersuarnermi peqquteqartumik peqataasinnaanngitsoq peqataasinnaanissaminulluunniit peqquteqarluni peqaasinnaajunnaarpat taaseqataanissamut periarfissinneqarsinnaavoq, peqataasinnaannginnini allakkatigut qinnuteqaammini nassuiarpagu. Ataatsimeersuartut qinnuteqaat aalaangiivigissavaat. Taaseqataasinnaanermut periarfissiineq atuutissaq qinersinerup nalaani attaveqaatitit atorlugit qinerseqataanikkut.

Imm.8. Nuna tamakkerlugu ataatsimeersuarnermut taaseqataasinnaasutut aallartitat sinniisussallu kikkuussanersut immikkoortortaqarfiit ataasiakkaat aalajangersartassavaat, taamaattoq immikkoortortaqarfimmil ilaasortaanermut akilummik qaammatit pingasut sinnerlugit akiliisimanngitsoq taaseqataasinnaalluni aallartitatut akuerineqarsinnaanngilaq. Immikkoortortaqarfiit tamarmik taaseqataasinnaasutut akuerisaasumik ataatsimik aallartitaqarsinnaapput. Najugarisami immikkoortortaqarfik sinnerlugu immikkoortortaqarfinnut qanitariinnut kattunneqarsimasunut ilaasortaasoq ataatsimeersuarnermi taaseqataasinnaasumik ataatsimik aallartitaqarsinnaatitaavoq.

Imm.9. Taakku saniatigut taaseqataasinnaallutik peqataasinnaatitaapput siulersuisuunernut ilaasortat, qinigaaffiusuni qinikkat nunaqarfinni siulersuisunut, kommunalbestyrelsintut, Inatsisartunut, Naalakkersuisunut

kiisalu Folketingimut ilaasortaatitat annerpaamik qaammatini pingasuni akiliutissaminnik kinguaattooruteqarsimannngitsut.

Imm.11. Nuna tamakkerlugu ataatsimeersuarnermut peqataallutillu najuussinnaatitaapput soqutiginnittut, alaatsinaatsut aammalu qaaqqusat. Pineqartut oqaaseqarsinnaatitaapput taamaattorli taaseqataasinnaanatik.

Imm.12. Siulersuisuunernut, suleqatigiissitanut suligasuartussanut il.il. qinersinerni arnat angutillu sapingnisamik amerlaqatigiit sassartarnissaat anguniarneqartassaaq. Ulluinnarni aqutsisunittaaq sapingnisanik arnat angutillu amerlaqatigiit ulluinnarni aqutsisuusarnissaat anguniarneqartassalluni.

Imm.13. Nuna tamakkerlugu ataatsimeersuarnissaq sivikinnerpaamik qaammatinik pingasunik sioqqullugu sumi qaqugulu pinissaa siulersuisuunerit immikkoortortaqarfinnut allakkatigut nalunaarutigisassavaat. Ilanngullugu immikkoortortaqarfiiit, suleqatigiissitat qinikkallu immikkoortortaqarfiiit aqqutigalugit qinnuagineqassapput oqaluuserisassatut siunnersuutinik tunngavilersuutinik ilaqartunik allakkatigut nassiussaqaqqullugit, nuna tamakkerlugu ataatsimeersuarnerup pinissaa kingusinnerpaamik sap.ak. arfinillit sioqqullugit.

Imm.14. Oqaluuserisassatut siunnersuutit piffissaq eqqorlugu tiguneqartut immikkoortortaqarfinnut susassaqtunullu allanut allakkatigut nassiunneqassapput nuna tamakkerlugu ataatsimeersuarnissap pinissaa kingusinnerpaamik sap.ak. sisamat sioqqullugit.

Imm.15. Nuna tamakkerlugu ataatsimeersuarnermi oqaluuserisassatut siunnersuutit, paassisutissat nalinginnaasut aammalu nalunaarusiat inuaqatigiinnut soqutiginaateqarsinnaasut Inuit Ataqatigiit nittartagaat "Aningaaq" aqqutigalugu saqqummersinneqassapput nuna tamakkerlugu ataatsimeersuarnissap pinissaa kingusinnerpaamik sap.ak. pingasunik sioqqullugu.

§9

Nuna tamakkerlugu ataatsimeersuarnerup ingerlanissaa

Allatsinneq ataatsimiissutissanillu agguaneq sapingnisamik ulloq ataaseq sioqqullugu pisassaaq. Taaseqataasinnaasutut pernaammik aallartitaasut nuna tamakkerlugu ataatsimeersuarnermut tunngasualunnik sivikitsumik nassuaanneqassapput, aamma ajornanngippat ulloq ataaseq sioqqullugu.

Imm.2. Ataatsimeersuarnerup ingerlanissaa:

1. Ataatsimeersuarnermi aqutsisussanik qinersineq
2. Oqaluuserisassanngortitat akuersissutigineqarnerat
3. Imarniliortussamik qinersineq

4. Taaseqataasinnaasunik aalajangersaaneq
5. Oqalugiaatit
6. Siulersuisuunerit nalunaarutaat
7. Siulersuisuunerit nalunaarutaata oqaluuserineqarnera taasis-sutigineqarnerallu
8. Kattuffiup naatsorsuutaasa saqqummiunneqarnerat akuerineqarnerallu
9. Malittarisassanut allannguutissatut siunnersuutit saqqummiunneqarnerat, oqaluuserineqarnerat akuersissutigineqarnerallu
10. Oqaluuserisassatut siunnersuutit saqqummiunneqarnerat oqalu-userineqarnerallu, matuma ataani ataatsimeersuarnissap tullianut anguniagassatut siunnersuutit
11. Anguniagassanik aalajangersaaneq (§ 1 imm. 3)
12. Ilaasortaanermut akiliutip aalajangersaaffigineqarnera
13. Immikkoortortaqarfiiit akiliutaasa aalajangersaavigineqarnerat
14. Ataatsimiinnermusiap aallajangiiffigineqarnera
15. Siulersuisuunernik qinersineq:
 - 15.1 Siulittaasoq
 - 15.2 Siulittaasup tullia naalakkersuinikkut pissutsinut akisussaasoq
 - 15.3 Siulittaasup tullia ataqtigiissaarisoq
 - 15.4 Aningaaserisoq
 - 15.5 Kommunit sinniisui siulersuisuunernut ilaasortat 5, sinniisuilu tallimat
 - 15.6 Siulersuisuunernut ilaasortat 1, sinniisorlu ataaseq
 - 15.7 Inoqarfiiit mikinerusunit ilaasortaq ataaseq, sinniisorlu ataaseq
 - 15.8 Inuuusuttut Ataqatigiinnit siulersuunernut ilaasortat marluk sinniisussaalu marluk
16. Ulluinnarni aqutsisunik qinersineq
- 16.1 Ulluinnarni Aqutsisunut ilaasortaq ataaseq sinniisorlu ataaseq
17. Avammut oqaaseqaat
18. Tamalaat

§10

Siulittaasutut il. il. qineqqusarnermi arlalinnik qinigassangortoqartillugu periusissaq

Siulittaasutut il.il. qinigassangortittut arlaqarpata qinersineq allakkatigut pisassaaq. Taaneqartut amerlaqatigiinnik taaneqarsimappata qinersisoqaqqissaqaq. Pingajussaanik taaseqqittooqassatillugu nuna tamakkerlugu ataatsimeersuarneq unitsikkallarlugu qineqqusartut imminnut oqaloqatigiissinneqassapput, taamatullu nuna tamakkerlugu ataatsimeersuartut periarfissinneqassapput qineqqusartut oqaloqatiginissaannut.

Imm.2. Amerlaqatigiiginnartoqartillugu makitsinikkut makitaasoq qinerneqartutut ivertinneqartassaaq.

§11

Inuit Ataqatigiit nittartagaat Aningaaq

Kattuffiup nittartagaata Aningaap siunertaraa Inuit Ataqatigiit siunertaasa, anguniagaasa isumaasalu ingerlaavartumik saqqummiuttarnissaat, isumassarsianik isummersuutinillu oqallissaarutissanik tapertalerlugin.

Nittartakkap Aningaap pitsaasumik ingerlaavartumillu, minnerunngitsumillu ullutsinnut naleqquatumik, ingerlanneqarnissaa Ulluinnarni Aqutsisut akisussaaffigaat.

Imm.2. Nutaarsiassat ukiumut aalajangersimasumik amerlassuseqartut nittartakkakku saqqummersinneqartarnissaat allattaanerup akisussaaffigaa.

§12

Malittarisassanik allanngortitsineq

Malittarisassanut allannguutissatut siunnersuutit taamaallaat akuerineqarsinnaapput taaseqataasinnaallutik ataatsimeersuartut tamarmiusut 2/3-iisa isumaqatigippatigit.

Imm.2. Nuna tamakkerlugu ataatsimiinnermi, siulersuisut ulluinnarnilu aqutsisut siuliisa aalajangigaat, malittarisassallu taakku atuutilerneranni atuuttut, malittarisasat nutaat allanngortinneqarnissamik aalajangertoqarnissaata tungaannut atuutissapput.

§ 13

Malittarisassat nutaat atuutilerfiat

Malittarisassat Aasianni ulloq 21. juli 2024 nuna tamakkerlugu ataatsimeersuarnermi akuerineqarnermik kingorna, ulloq 21. juli 2024 atuutilerput.

Imm.2. Malittarisassat maleruagassaasimasut, Nuummi ulloq 21. September 2021 akuerineqartut atorunnaarsinneqarput.